

TRIDUM BA MADRE MAZZARELLO

10/05/16

Feto dixernimento nian

Intrudusaun: Mai ita hotu, signifikativu liu foti fali itinerariu espiritual Madre Mazzarello, periodu ida ne'e coinsidente ho novena ba Espirito Santo. Ohin ita invoka dons dixernimentu iha ne'ebe' nia rasik simu nakonu. Ita husu ba Aman Maromak, ne'ebe' liuhusi Nia Oan Jesus, haruka mai ita Espirito ne'ebe' ilumina ita iha dixernimentu ba Maromak Nia Hakarak, iha moris komunidade no iha misaun ho foinsa'e sira.

Canta:

G: Maromak fo ba Maria Domenica kapasidade ida estraordinaria iha intuisaun: kualidade tipika feto ida nian. Nia hateke liu aparenza, senti ema nia presiza no komprende ema seluk ninia nesesidade ne'ebe' la espresa.

H: Na'i, haraik mai ami dons dixernimentu, naroman iha hanoin, iha abertura ba Ita Boot Nia Espiritu, nune'e ami bele hateke iha profundo, atu la hateke deit iha aparenza, atu hatene hadomi ema hotu ho Itaboot Nia domin miserikordia.

G: Main, hanesan Paolo, dedika ba formasaun ninia maun-alin sira nian, bainhira nia hela iha nia familia. No nudar madre nia preokupa atu eduka FMA foinsa'e sira, ba moris ne'ebe' nakonu ho kualidade iha loron ba loron. Iha nia familia rasik nia aprende sensu organizaun nian, responsabilidade nian, atu asume parte edukasaun maun-alin sira nian.

Hotu: Na'i, hanorin ami atu forma foinsa'e feto no mane sira hanesan “Sarani diak no sidadun onestu”, hanesan Main halo iha nia tempu, konjuga domin midar (amorevolezza) ho firmeza.

Leitura: At 20,20-27

Pausa orante:

Ami Aman, Ave Maria , Gloria (3)

Orasaun: Na'i, halo ami hatene la'o tuir dalan Madre Maria Mazzarello nian, ami bele hatene simu dons sira Espiritu nian, no nakloke nafatin ba Nia azaun transformadora nian ne'ebe' halo ami sai feto fekunda, kapacidade atu dixerne no orienta foinsa'e sira tuir Itaboot nia dalan moris nian. Amen

Canta:

11/05/16

Knar autoridade hodi servi “Uma Domin Maromak Nian”.

Ita tama iha tempu atu halo memoria kona ba feto ida, Maria Domenica Mazzarello, ne'ebe' hala'o ninia misaun nudar Madre no Confondadora iha ninia knar autoridade nudar servizu.

Canta:

G: Ita aprende hanesan ita nia Santa, hadomi knar misaun edukadora. Nia hatene fo importancia atu koñese didiak ema seluk, atu tulun iha ninia prosesu edukativu, ne'ebe' diak ba foinsa'e ida no mos ba irman ida.

L. “Ema ida-ida iha ninia difeitus, presiza koreje ho karidade, maibe keta hein katak sei korije dala ida no ba nafatin, ida ne’e la’e! Maibe ho orasaun, pasiensia, matan moris no perseveransa, neneik sei konsege koreje hotu” (L 25,3). Ami laran metin iha Itaboot, Jesus, ami tau buat hotu ne'ebe' halo ami preokupa iha Itaboot Nia Fuan, ami husik ba Itaboot, Itaboot mak hatene. Ami hakarak nafatin haksolok iha Ita Domin, no sai ema diak (cf L 25,3).

H: “*Se la ho Ha’u, imi labele halo buat ida*” (Jo 15,5). “*Ha’u bele halo buat hotu iha Nia, ne’ebe’ fo kbiit mai ha’u*” (Fil 4,13).

Lettura : Jo 17, 22.24.26

«Ha’u fo ona ba sira gloria ne’ebe’ Ita fo mai Ha’u, atu sira sai ida deit, nudar Ita Nain Rua Ida deit.

Aman, Ha’u hakarak katak sira mos ne’ebe’ Ita fo mai Ha’u, hela hamutuk ho Ha’u iha fatin ne’ebe’ Ha’u hela; atu sira bele hare Ha’u Nia gloria, ne’ebe’ Ita fo tiha ona mai Ha’u tan Ita hadomi Ha’u molok mundu hahu. Ha’u fo hatene tiha ba sira Ita Nia naran, no Ha’u sei fo hatene liutan, atu domin ne’ebe’ Ita hadomi Ha’u bele hela iha sira, no Ha’u hela iha sira.».

Pausa orante

Ami Aman, Ave Maria, Gloria (3x)

H: O Na’i, halo atu ami la’o tuir Madre Mazzarello nian ain-fatin, ami bele hatene moris ho responsabilidade ba misaun ne’ebe’ ami simu. Halo ami nia comunidade sai eskolla domin nian, uma ne’ebe’ nakloke, simu nian, evangelizadora iha ksolok hamutuk ho foinsa’e sira, haklaken Jesus ba ema seluk.

Canta:

12/05/16

<i>komunidade Edukante: Uma Domin Maromak Nian</i>

Gia: Ita nia Istituto moris husi grupu ida leigas sira ne’ebe’ servisu iha misaun pastoral kreda lokal nian, husi grupu belun nian, mak sai comunidade relijioza. Istituto religioso femenino “ba mundu”, no la hadok-an husi mundu.

Canta:

L1. Uma domin Maromak Nian, halibur FMA, edukadores leigus, foinsa’e sira, membru familia salesian, iha Meza ida “Eukaristia”. Ita hela iha mahon ida Espiritualidade salesiana iha ne’ebe’, laiha distansia no

deskriminasaun. Komunidade edukativa ne'e, moris no hala'o obras nafatin iha komuñan ho familia sira, hodi hanoin nafatin katak edukasaun mak obras komunidade tomak nian.

L2. Uma santa alegria mak komunidade edukante: Iha ne'ebe', ambiente hotu bele sente klima orasaun no klima familia nian ida, ne'ebe' nakonu ho serenidade. Ema ida-ida haksolok no entuziasmu atu hala'o ninia knar. Ne'e mak uma Mornese nian.

Canta:

Leitura: Jo. 17, 20-24

«Ha'u la harohan deit ba sira ne'e, maibe mos ba sira ne'ebe' sei fiar iha Ha'u, tan sira ne'e nia liafuan: atu sira hotu sai ida deit nudar Ita, Aman, horik iha Ha'u, no Ha'u iha Ita; atu sira mos hela iha Ita Nain rua, nune'e mundu bele fiar katak Ita mak haruka Ha'u mai. Ha'u fo ona ba sira, gloria ne'ebe' Ita fo mai Ha'u, atu sira sai ida deit, nudar Ita Nain rua Ida deit. Ha'u iha sira, no Ita iha Ha'u; atu sira laran ida deit teb-tebes, nune' mundu sei hatene katak Ita mak haruka Ha'u mai, no mos katak Ita hadomi sira, nudar Ita hadomi Ha'u. Aman, Ha'u hakarak katak sira ne'ebe' Ita fo mai Ha'u, hela hamutuk ho Ha'u iha fatin ne'ebe' Ha'u hela; atu sira bele hare Ha'u Nia gloria, ne'ebe' Ita fo tiha mai Ha'u, tan Ita hadomi Ha'u molok mundu hahu».

Pausa orante

Ami Aman, Ave Maria, Gloria (3)

H: Na'i, hakonua ami ho Ita Espiritu, loke ami fuan ba Ita Nia Hahalok sira, atu nune'e ami nia komunidade, hanesan komunidade dahuluk nian, bele sai duni "Uma Domin Maromak Nian", iha enkontru ho Ita, liuhusi paixaun misionaria nian, iha babuka Santidade, iha ne'ebe' kualidade eduaksaun sai mos realidade espiritual ne'ebe' profundo.

Canta: